

Segundas abitaziuns – lescha grev da chapir, ma tuttina cun respostas

■ (rtr) Dapi l'entschatta dal 2016 è la lescha d'abitaziuns secundaras definitiva en vigur. Tenor *Bruno Maranta*, giurist da l'Uffizi per economia publica dal chantun, na saja la lescha betg adina simpla da chapir. Ma ella respundia bunamain tut las dumondas e sulet detagls restian averts. Plinavant vul il chantun anc sustegnair pli fitg las vischnancas. In uschenumnà agid d'execuziun saja en lavur. Ils proxims mais vegnan messas online infurmaziuns ed explicaziuns tar la lescha per gidar las vischnancas, ma era privats, da responder las dumondas e d'interpretar ils differents cas tenor la lescha. Exempels concrets: Ina persuna ha ina stalla amez in vitg dal Grischun. Quel è

en ina zona da bajegiar. La stalla è veglia, croda bunamain ensemen. Questa persuna dastga renovar la stalla e vender ella sco abitaziun secundara. Dentant mo sche la stalla è fixada sco impurtanta per il maletg dal vitg e sch'igl n'è betg pussaivel da vender ella sco emprima abitaziun. Tar in segund exempel sa tracti dad ina persuna ch'è oriunda dal Grischun, abita e lavura a Turitg. Ils geniturs, ch'han abità en il Grischun, moran e la persuna numnada erta la chasa. Quella vegniva duvrada sco emprima abitaziun. La nova possessura astga usa vender u duvrar la chasa sco abitaziun secundara perquai che quella è vegnida bajegiada avant la votaziun da l'iniziativa.